


NODAK Color Control Patches
© The Triflex Company, 2000
LICENSED PRODUCT



安徽通志

ル 5
1575
50



1875
50



重修安徽通志卷一百四十八

職官志

名宦 十二

穎州府

漢何敞字文高平陵人其先家於汝陰永元閒為汝南太守以寬和為政遣儒術大吏按行屬縣顯孝弟有義行者及舉冤獄輒以春秋義斷之百姓化其恩禮其出居者皆歸養其父母追行喪服推財相讓者二百許人修濬鮑陽舊渠墾田增三萬餘頃

後漢書本傳

宋登字叔陽長安人汝陰令為政明能號為神父

後漢書本傳

徐宏字聖通為汝陰令縣多大姓怙強亂法宏至廉其尤者擒

治之風俗一變

後漢紀

虞延字子大陳畱人建武初除細陽令每歲時伏臘輒遣徒繫歸家並應期而還有囚於家被病自載詣獄既至而死延率吏掾殯於門外百姓感悅後漢書本傳

陳重字景公宜春人為細陽令布政有異化後漢書本傳

魏盧毓字子家涿郡人植子譙郡太守文帝以譙舊鄉大徙民充之以為屯田而土地磽瘠百姓窮困毓愍之表徙民於梁俾

就沃衍三國志本傳

徐邈字景山薊人譙相盧欽著書稱之曰徐公志高行潔才博氣猛高而不狷潔而不介博而守約猛而能寬聖人以清為難而徐公之所易也三國志本傳

宋李熙國鮦陽令元嘉初散騎常侍王歆之等上言前鮦陽令李熙國任事有方人思其政故山桑令何道自少清廉白首彌

厲應加褒賚以勸於後南史阮長之增修

北魏劉模信都人太和初守潁州寬猛相濟有治聲後遂家於潁潁州志

北齊叱干苟生以儀同鎮南兗州周武破鄴赦書至苟生自縊一統志

唐柳竇積永徽中潁州刺史修椒陂塘溉田三百頃明統志

李岫潁州刺史興利除害得民庶心舊唐書本傳

姚崇字元之碭石人中宗時為亳州刺史唐書本傳

李繁泌子敬宗朝出為亳州刺史州有劇賊為患他刺史不能禽繁有機略悉知賊巢出兵捕斬之御史舒元興與繁素隙以為濫殺有詔賜死人皆冤之唐書李泌增修

楊凝字懋功宏農人沛帥董晉表為判官亳州刺史缺晉以凝

行州事增墾田決圩堰築隄防水患以息

唐書楊憑傳

宋王旭字仲明莘人知潁州荒政修舉

宋史王祐傳

戚綸字仲言楚邱人太宗時知泰和縣江外民險悍多構訟綸

為論民詩五十篇因時俗耳目之事以申誨老幼多傳誦之每

歲時必與獄囚約遣歸祀其先皆如期而還

宋史本傳

劉渙字凝之筠州人為潁上令以剛直不能事上官棄去家於

廬山之陽歐陽修高其節作廬山高詩以美之

宋史劉恕增修

邵亢字興宗丹陽人仁宗時授潁州團練推官晏殊為守一以

事委之民稅舊輸陳蔡轉運使欲復折緡錢且多取之亢言民

之轉輸勞費已甚方仍歲水旱又從而加取無乃不可遂止

宋史

本傳

晏殊字同叔臨川人以工部尚書罷知潁州手植雙柳於西湖

後人思之為建雙柳亭

宋史本傳南畿志

李迪字復古鄆城人景祐二年知亳州亡卒羣剽掠城邑發兵

捕之久不得迪至悉罷所發兵察知賊匿處部勒驍銳士擒斬

以徇仁宗初知舒州多善政

宋史本傳一統志增修

宋祁字子京庠弟知亳州治事明峻好作條教

宋史宋庠傳

歐陽修字永叔廬陵人左遷滁州以鎮靜為治居二年徙潁州

塞白龍溝蓄水西湖灌田以為民利又建書院俾潁人咸知向

學

宋史本傳南畿志增修

蘇頌字子容南安人以集賢校理知潁州仁宗山陵有司以不

時難得之物厲諸郡頌曰遺詔務從儉約豈有土不產而可強

賦乎量其有無事亦隨集

宋史本傳

蔡齊字子思膠水人以戶部侍郎出知潁州頌始立學齊所請

也卒後頴人見其故吏猶號泣思之宋史本傳

段少連字希逸開封人仁宗時知蒙城縣通敏有才事無大小

剖決如流尤厲風節不為權要所屈宋史本傳

謝絳字希深富陽人知汝陰縣善議論喜談時事嘗論四民失

業累數千言宋史本傳

趙宗道字子淵嘉祐四年京西大饑轉運使請擇賢郡守以蘇

災黎宗道被選知頴州賑給存勞不遺餘力瘡痍漸起流亡以

復南畿志

張知白字用晦滄州清池人知亳州御史王嘉言知白守道循

公當官不撓宋史本傳

宋庠字公序雍邱人英宗初出判亳州庠前後所至以鎮靜為

治宋史本傳

富弼字彥國河南人熙甯二年拜武甯節度使同中書門下平
章事判亳州青苗法出弼謂如是財聚於上人散於下持不行

宋史本傳

何執中字伯通龍泉人為亳州判官毫數易守政不治曾鞏至

欲振起之一見合意事無纖鉅悉委以剴決有妖獄久不竟執

中訊諸囚即叩頭引伏宋史本傳增修

葉康直字景溫建州人知亳州通濬積潦民獲田數十萬頃宋史

本傳

馮京字當世江夏人知亳州諸縣公事至即處斷呼法吏決罪

不以付獄人服其敏宋史本傳增修

曾鞏字子固南豐人歷知亳州所至務去民疾苦頴州府志

劉放字貢父新喻人知亳州謝上表有云誓殞百身弗渝一志

直隸通志卷之四十一

府志

蘇軾字子瞻眉山人元祐六年以龍圖閣學士出知潁州時將鑿黃堆注之於淮軾以水平准之淮之漲水高於新溝幾一丈若鑿黃堆必為淮水橫流潁地為患乃言於朝從之郡有宿賊久不獲軾召汝陰尉李直方擒獲之朝議以小不應格推賞不及軾請以己之年勞當改朝散郎階為直方賞不從其後吏部以軾當遷軾謂已許直方又不報宋史本傳

張洞字仲通祥符人調潁州推官州民劉甲老強弟柳鞭其婦既投杖夫婦相持泣甲怒偪再鞭之死吏當夫法洞律以教令者為首夫為從且非其意不當死已而讞於朝果如洞言宋史本傳

范祖述華陽人監潁州酒稅攝獄掾閱獄活兩死囚州人以為

神一統

朱光庭字公揆偃師人元祐六年由給事中謫知亳州程伊川

稱其在家臨民泣事造次動靜一由至誠潁州府志

陸佃山陰人哲宗時知潁州佃以歐陽修守潁有遺愛為建祠

字宋史本傳

曾悟字蒙伯靖康閒為亳州士曹金人破亳州被執抗辭嫚罵

眾刃劓之妻孥同日被害宋史曾志傳

陳規字元則安邱人由顯謨閣直學士徙知池州入對首言鎮

撫使當罷諸將跋扈請用偏裨以分其勢上皆納之遷龍圖閣

直學士改知廬州尋召赴行在以疾辭復起知德安府改順昌

葺城壁招流亡立保伍會劉錡領兵赴京畱守過境傳金人已

入京城規即告錡城中有粟數萬斛勉同為死守布設粗畢金

兵踵至規與錡激諸將爭奮斬獲烏珠

史作兀朮

宵遯

宋史本傳增修

金劉均林慮人正大閒為亳州觀察判官天興初提控楊春納

款於元後裔均同降均佯應之歸取朝服服之顧謂妻子曰我

起身刀筆仰荷上知始列朝署又佐大藩死亦足矣今頭顱已

如此假使有十年壽何以見先帝於地下乎即仰藥而死

一統志

李用宜正大時為城父令天興元年元石總管入亳州屬縣皆

下惟用宜不降其妻子在毫降將楊春以為質竟不屈而死

一統志

王進金末遷亳州節度判官後以復亳州功授本州節度使鎮

防兵變魏節亨王賓俱遇害進自誓以死守毫詔以進為集慶

軍節度使便宜從事未幾亦被害

一統志

元蓋苗元城人至正元年知亳州修學宮完州廡有豪強占民

田為己業民五十餘人訴於苗苗訊治之豪民咸自引服苗曰

爾等罪甚重然吾觀皆有改過意遂從輕議

一統志

教化迪延祐元年太和縣達嚕噶齊均徭平訟勸課農桑歲旱

虔禱即雨邑中火災迪往救有反風之應蝗不入境比代父老

攀轅不得行

江南通志

巴延史作伯顏薊國公脫脫孫城父縣達嚕噶齊為民追賊奮不顧

身為賊所害民於福甯鎮立祠祀之

元史本傳

張柔字德剛易州定興人鎮亳州環毫皆水非舟楫不達柔贊

城壁為橋梁屬汴隄以通商賈之利復建孔子廟設校官弟子

員

元史本傳

歸賜字彥溫汴梁人至順初同知潁州鋤姦擊強人不敢以少

年易之

元史本傳

怯列至順二年尹霍邱勸課農桑修舉廢墜為一時良吏元史本傳

王公孺汲縣人以奉議大夫知潁州廉潔安靜與民休息江南通志

明張文弼洪武元年知亳州創建州治學宮勤於撫字流亡復

業六年改為亳縣調知他州江南通志

李天祐洪武元年同知潁州兵燹之後庶務草創天祐隨宜經

理招撫流移民始復業江南通志

車誠餘姚人洪武四年知潁上縣以誠信治民課最擢知光州

江南通志

黃良洪武五年知太和縣廉介愛民修縣治建黌宮造士課農

不期月百廢具舉江南通志

盧試榮東陽人正統元年知亳縣重修學宮創建義門倉儲粟

以便賑給江南通志

游兆福建人洪武七年判潁州修築清陂塘民永賴之江南通志

鄭祺字彥禧貴溪人景泰初知潁上縣廉仁有聲舊田制編戶

一十三里祺增為十七里賦斂以舒秩滿士民乞畱遷通判仍

知縣事三年江南通志

高昇阜城人天順中知霍邱縣縣故無城昇督民築土垣以為

捍禦霍邑之城自此始江南通志

孫景名富陽人正統六年知潁州興學校隆秩祀以清惠牧民

得為治大體江南通志

孫震字景威鄱陵人正統元年知蒙城縣勤敏廉幹百廢修舉

建社學二十餘所教化大行江南通志

賀思聰永平人成化十三年知亳縣慈惠宜民以憂去服除士

民伏闕乞畱許之在官尤以備荒為務儲粟至二萬餘石江南通志

劉讓江西人宏治初知潁州州衛異屬兵每虐民讓至有犯者悉寘之法軍伍帖然江南通志

孫誠新河人知霍邱縣霍自前令高昇始築土城誠至易土以甄民樂趨事不數月工竣屹然保障江南通志

王閔曹縣人宏治九年知太和縣廉明剛正不畏強禦吏民敬畏方之包孝肅江南通志

王沂滋陽人宏治中復升亳縣為州沂來知州事善決疑獄重修大成殿建明倫堂築壇墼治公廡作預備軍儲等倉儲粟五萬石歲饑躬親賑給江南通志

孟統字儒宗甯陽人宏治中蒙城縣丞廉潔自持修黌宮實倉廩士民感之江南通志

葉寬字德夫晉江人正德四年知蒙城縣縣故無城流賊至焚燬民舍抄掠至慘寬為築甌城浚深池得以捍蔽迄今賴之江南通志

趙夔錦江人正德十三年知太和縣政尚寬平值流寇將至增築城堞登以甌石江南通志

李天衢字行之樂平人正德中授兵備僉事流寇犯潁上天衢明號令嚴守禦親冒矢石設奇擊賊旬日遞去更勞來逃民俾復安集南畿志

何思一作司明福建福清舉人授潁上教諭嚴立課程時為講解士因此感憤捐俸葺學宮恤貧士之不能婚葬者部使者以學行兼優獎之福建通志

趙垣字平仲餘姚人由戶部員外郎謫亳州同知廉靜自守官舍蕭然江南通志

傅榮清苑人由尚寶卿謫亳州同知勸學興禮修理城隍倉廩多所補益江南通志

劉訥清苑人由鄉貢知太和縣通達政體有守有為均地利濬溝渠耕桑交勸民歌思之江南通志

呂景蒙字修飭象州人嘉靖甲申由御史謫判潁州悉心奉職不以遷謫介意繕西湖書院建三忠六貞祠以振風化江南通志

茅宰山陰人嘉靖十六年由郎署左遷潁州同知時人歌之曰民之父母豈弟君子我潁茅公可以當此江南通志

林一陽漳浦人嘉靖中知霍邱縣地阻山出鑛椎埋為奸一陽曉以務本保身之道人多從化乃修學校行鄉約立保甲積公廩政教大行一統志

陳誥莆田人嘉靖中知潁州除耗羨申減驛馬庫役等費江南通志

陳陟施州衛人隆慶中判潁州清嚴執法吏有以賂嘗者杖而還之妻布裙敝垢無他可更乃易裕裳以浣人不能堪陟從容相慰略不介意江南通志

謝詔贛榆人萬曆中知潁州裁決曲當鋤強扶弱江南通志

黃楷永福人萬曆中知霍邱淮水暴溢壞民廬舍溺人畜無算楷督舟拯救全活甚眾捐俸置學田士民德之江南通志

王世蔭萬曆中知霍邱縣多惠政築澧河隄以捍水患至今利賴江南通志

吳一鸞字文盛麗水人萬曆中知蒙城縣躬履田畝清丈地數均差徭釐戶口捐修學宮製祭器購書籍置學田又教民鑿塘濬池以泄水患江南通志

屠隆鄞縣人萬曆中知潁上縣時城東門患河決築長隄以衛

之一統

潘章字星海雲南人天啟六年謫判潁州植一木於庭書天地

神明鑒察六字晨出焚香以拜然後視事通志

趙士寬山東人崇禎七年以蔭任潁州府通判決事精敏流寇

圍潁登陴守禦城陷猶募死士堵殺力竭死之妻崔氏同二女

俱自焚事聞贈卹明史尹夢鼈傳

尹夢鼈雲南人崇禎七年知潁州城陷手殺數賊中刃墮水死

事聞與通判趙士寬并加優卹明史本傳

左相申明季知霍邱流寇再破霍城相申被執大罵不屈為賊

磔死江南通志

廖維義長壽人崇禎時司訓徐州以禦寇功遷知潁上縣仁民

愛士深得眾心屢卻巨寇鄰邑避難者從之如歸市尋擢御史

百姓遮畱號泣江南通志

任有鑑山東人崇禎十五年以郡倅署潁州府事潁屢經兵燹

戰守無具有鑑以忠義激發人心是年春賊眾犯境率鄉民堵

殺所獲馬牛即行賞賚婦女避難相失者封養署中事定訪其

家還之及秋賊盤踞潁地密請兵捕剿會河水漲溢殺溺死者

無算潁賴以全江南通志

張有浚崇禎閒為霍邱縣丞賊至城陷與教諭倪可大訓導何

炳死之明史盧謙傳

何燮晉江人崇禎中知亳州時屢遭寇患燮盡心撫輯經營戰

守山東河南土寇疊至與戰於盧家廟生擒其魁李忠等戮之

又降李龍等數千人十五年李自成陷其城罵賊不屈死明史本傳

吳世濟字楫侯歸安人崇禎時知太和縣甫至寇賊交訐閭井

驚怖世濟不請兵謂兵甚於賊率丁壯晝夜登陴守禦有方危城獲全著有禦寇始末傳世江南通志

國朝吳國用奉天人順治六年知霍邱縣未數月興革協宜凋瘵漸起時山賊陳伯紹擁眾入寇會久雨城圯賊闌入國用揮刀躍馬率甲士巷戰勢蹙馬仆大呼曰吾當以死衛百姓遂自刎事聞

贈按察使僉事蔭一子一統志江南通志

鮑宏仁潘陽人順治六年知穎上縣性明敏簿書填委據案剖決立盡捐俸錢修東城二百餘丈不煩民力清驛遞禁雜派請豁無主荒地五千餘頃江南通志

田本沛富平人順治七年知蒙城縣時兵燹之後殫心撫卹釐剔宿弊催科則花戶親輸遞馬則設法官養夏秋米麥二稅悉

除耗羨邑民勒石頌德焉江南通志

瞿府志乃慎順治十二年知穎上縣性仁厚不尚威嚴穎田故多汙萊為招撫流移勸督墾闢漸成膏壤催輸有法賦辦而民不擾時有民稱慈母吏畏神君之頌江南通志

陳大綸舊作倫據職官志及太和志改字理仲定興人順治十四年知太和舊作

里甲除奸蠹漕糧郵遞徹底清查舊有邪教誘惑愚民大綸捕其魁寘之法邑以大治一統志

喻三畏字念慈奉天人康熙五年知穎州清慎平恕革除耗羨重築西湖隄岸灌溉桑麻濬濠閘通水利穎人食其德遷建甯

郡丞死耿逆之亂喪過穎土人絡繹奔奠一統志竹綠猗涇陽人康熙八年由粵東監司左遷知蒙城以喚咻為

治徵輸驛遞盡除科羨歲省民錢數千緡聽訟平允上官每有疑獄輒下蒙城讞決以憂去官貧不能束裝江南通志

黃天簡字維叔福建晉江舉人知蒙城縣縣為山陝孔道過水所經百貨絡繹每漕糧起運令商船分載牙人藉是以困行旅天簡至廉其弊捐俸買數舟為分載之性勤敏宰蒙城十載鄰

邑勘丈監賑之役多奉檄經理福建通志 新增

李月槎字虛舟滿洲人雍正三年知潁州先是潁州試院在鳳陽諸生苦於跋涉月槎創建考棚學使者始蒞試人皆德之潁州志

沈作霖字沛然蘇州人雍正三年由舉人任潁州學正至五年五月大水害稼又諸生有冤獄縣令加以囚羈時作霖患痢方劇力疾請於巡撫魏廷珍行至舒城病甚僕勸之歸不可抵皖

用繩牀昇見巡撫已僵舌不能語但曰十八箇無辜秀才五十里被災百姓惟公保全耳言已氣絕巡撫感其意為賑貸昭雪

潁州府志

張志亨字際熙三水進士雍正六年知潁上縣嗜學愛士剛果強毅屢平大獄持正不阿民敬畏之潁州府志

孫光祀字晴江漢陽人乾隆元年由刑部郎中知潁州府其繼母汪氏每以家貲給署中經費使至必語之曰勿以不能迎養為念得六邑中無一怨詈聲即此為孝光祀承母志悉心圖治苞苴盡絕潁州府志

王佳滿洲人知霍邱秉性嚴峭時有剛峯復生之稱霍邱縣志

葉履旦浙江慈谿人乾隆七年知蒙城縣盡心溝洫開濬新舊河渠以溉田尤善馭下雖奸吏莫敢舞弊蒙城縣志

劉吉直隸天津人乾隆二十三年知霍邱縣倡修書院置義田

時河道淤塞請帑開濬民不被水災者三十餘保霍邱縣志

江洵儀徵人乾隆四十二年任亳州明年水決儀封考城壞永

清大橋兩岸廬舍漂沒者數千家洵捐賑修隄令民遷高阜皆

得其所亳州志以上舊志

蔣熊昌字澄川江蘇陽湖進士乾隆中任潁州知府凡八年有

政績開東陂西湖濬以利民招文士賦詩其間姚鼐文集以下新修

楊國楨字海梁四川崇慶舉人任潁州知府親督丁役搜捕土

豪置法累遷河南巡撫上蔡議開茅河包河以達於泉河洩康

家陂湖水使為陸地潁人患之賴國楨力而止潁之上游三丈

陂一帶得免水患阜陽縣志

劉耀椿字莊年山東安邱進士由庶吉士選潁上知縣築隄壩

濬溝湖斷獄明決吏畏民懷道光六年調阜陽鉅細事必躬親

猾吏屏氣閭閻安帖擢六安知州署廬州知府為政持大體吏

事民瘼直言無諱十五年任泗州知州懲奸禁暴約束胥吏下

鄉按事但飲民間一杯水案結而吏不知暇步田閒問民疾苦

如家人育才訓士尤有真意遷潁州知府重過潁上父老歡迎

久而益親終福建興泉永道潁上阜陽合肥六安泗州等州縣志

劉廷槐河南汜水舉人道光初任潁上知縣體民疾苦杜苞苴

絕請託遇事明斷吏民畏服與劉耀椿有二劉之目兩署來安

釐奸剔弊除暴安良猛以濟寬時比鄭子產八年任霍邱捕治

豪猾振興書院修城垣學宮及西湖隄岸十年卒官潁上來安霍邱等縣志

劉曾甘肅固原舉人道光七年任蒙城知縣剔弊除惡宵小斂

迹親督夫役疏通茨河百六十餘里建考棚修書院卒官祀名

宦祠

蒙城縣志

陳葆森四川涪州拔貢道光中任太和知縣開溝渠七十二道

百姓永享其利捐修學解振興文教

太和縣志

雷時夏字雲峯陝西澄城進士道光二十二年任太和知縣黃

水為災請准賑饑杜絕中飽均里均甲除數十萬徭役之累

太和縣志

縣志

徐青照字穉蘭順天進士道光中知亳州獎士行崇節孝興水

利除水患歷鳳穎道

亳州志

文廷杰字鍾山四川進士道光中知亳州倡捐設飯廠以濟水

災濬河修城以工代賑會剿礪山等處土寇升六安直隸知州

亳州志

史丙榮字穎生江蘇江都進士道光閒任當塗知縣勤政愛民

聽訟敏決調桐城擒治猾賊創試院築江壩修城建倉二十七

年署亳州案無畱牘民無遞情建義倉未竣而卒

當塗桐城亳州等志

陸希湜字毅菴江蘇太倉進士任穎州知府咸豐三年髮逆竄

穎上城陷希湜帶勇收復又敗賊於洞澗集平巨捻陳玉李士

林調勇守淝河扼蒙亳之捻後隨勝保剿捻卒於軍穎民立祠

沈邱集以祀之

阜陽縣志

恩興字沛田滿洲人亳州營都司咸豐五年與博銘守城拒捻

拊循兵民十三晝夜城圍始解九年調江南河標泃湖營都司

協防定遠陣亡

優卹如例

亳州志 翁同書奏案 定遠縣志

宋維屏廣東花縣舉人咸豐二年任蒙城知縣三年髮賊犯境

城陷與弟維熾維翰維鑾同死之奉

旨優卹

蒙城縣志

劉然字乙齋浙江山陰人任亳州吏目咸豐三年髮逆竄亳城陷死之二子一妾皆自經世襲雲騎尉

亳州志

博銘字地輔漢軍正藍旗人咸豐五年知亳州招流亡繕守具擒賊圍城與甘肅總兵朱連泰固守經旬乃解自城東北築外牆至西北凡六里民以安堵支應過境官軍毫不累民父憂毫人籲畱在任守制後升穎州府卒

亳州志

張耀順天涿州人霍邱典史咸豐四年土匪陳玉作亂知縣徐毓寶死之耀代理縣事登陴固守六年擒逆攻三河尖巡檢林佩章禦之陣亡七年髮捻兩逆合眾圍城耀時在典史任誓與城存亡麾三子出城皆不肯曰父死忠子死孝分也城破巷戰

死全家殉難同日三河尖巡檢藍書田開順鎮巡檢杜文瀾三

劉集外委顧建中均死之

霍邱縣志

俞澍順天宛平人咸豐五年以縣丞署蒙城知縣解散捻黨寬撫脅從重修城垣疊次守城堵禦擒苗各逆積功歷同知加知府銜卒於任翁同書以澍積勞病故奏請照知府例奉

旨賜卹喬松年以澍潔己愛民勤勞備至奏蒙

贈道銜准在蒙城縣建專祠

蒙城縣志

張永保署霍邱知縣被議咸豐九年從巡撫守定遠帶勇縋城殺賊多名城陷巷戰死奉

諭開復原官照知縣陣亡例議卹

定遠縣志翁同書奏案

侯樞臣字石甫廣東嘉應舉人咸豐四年署太和知縣時苗捻交訖樞臣團練保障兼庇鄰境升知府以道員用十一年禦捻

遇害奉

旨卹建專祠給世職太和縣志

蘇履中四川奉節人咸豐九年以縣丞署蒙城知縣時苗沛霖設練局城內履中謁巡撫詳陳利害謂宜乘時撲滅十一年苗逆徵蒙練將犯壽州履中密諭邑紳李南華等誅苗黨十餘人以數百人拒苗逆戰皆捷同治二年卸事畱辦蒙防會苗逆圍城出城請援為逆黨所執遇害唐訓方奏奉

旨議卹祠祀

蒙城縣志

同治十一年英翰奏准建專祠邸報

濮煒浙江紹興監生同治元年署潁上縣因公赴謝家橋為苗逆所劫擁至楊村集害之同時有主事秦承堦知縣吳景春運餉鹽至下蔡俱遇苗逆不屈死之均奉

諭旨交部議卹

唐訓方奏案

重修安徽通志卷一百四十九

職官志

名宦十三

滁州

漢劉平字公子彭城人建武中為全椒長有惠政百姓感之或增貲就賦或減年從役獄無繫囚後漢書本傳

晉孔奕山陰人為全椒令明察過人在官有惠化及卒市人若喪慈親焉晉書孔愉傳

唐韓思復字紹忠長安人遷滁州刺史州有銅官人苦鑿鑿為累思復為賈他郡費省獲多有黃芝五生州署民刻石頌其祥

唐書本傳

韋應物建中二年為滁州刺史性高潔節食寡欲公餘焚香默

坐雖工詩而政不廢唐詩紀事

關播字務元衛州人陳少游鎮淮南表為判官攝滁州刺史李

靈耀叛少游屯淮上所在盜賊蝟奮播儲資力給軍與人無愁

苦唐書本傳

李德裕趙郡人文宗時徙滁州刺史郡縣無軍營軍士寓處寺

觀不足則剪茅以居境內有淫祠緝宇凡二百四十餘所為寇

盜數德裕乃撤其屋制四營軍士獲安寇盜屏蹟一統志

高錫望咸通九年為滁州刺史龐勛陷滁州錫望死之唐書懿宗紀

宋趙普字則平幽州人周世宗用兵淮上太祖拔滁州宰相范

質奏普為軍事判官太祖與語奇之會獲盜百餘當棄市普疑

有無辜者啟太祖訊鞫之全活者眾宋史本傳

李彥明知全椒縣建學宮新縣治政有丰采豪強折服四境帖

然南畿志

元時忱知全椒縣百姓愛之縣乏井民俱汲水襄河忱為穿井

縣門外聽人挹取至今呼元公井南畿志

曾肇字子開南豐人歷知滁和十一州類多善政宋史本傳

王禹偁字元之鉅野人至道初出知滁州初禹偁嘗草李繼遷

制送馬五十四匹為潤筆卻之閩人鄭襄徒步來謁禹偁愛其儒

雅為買一馬送歸或言其買馬虧價太宗曰彼能卻繼遷五十

馬顧肯虧一馬價哉宋史本傳

趙概字叔平虞城人慶歷初知滁州山東寇李二過境上告人

曰我山東人也公嘗為青州民愛之如父母我不忍犯率眾而

去宋史本傳

王俞知全椒縣建學宮於縣東南襄水之側獎善懲惡訟平盜

息南畿志

姚仲孫字茂宗商水人通判滁州歲饑詔發官粟以賑主吏不以時給仲孫至立劾主吏夜索丁籍盡給之宋史本傳

常安民字希古邗州人謫監滁州酒稅至滁日親細務郡守曾肇約為山林之游曰謫官例不治事安民謝曰食焉而怠其事不可宋史本傳

梅執禮字和勝浦江人元符五年知滁州時賦鹽虧額滁亦苦抑配執禮曰郡不能當蘇杭一邑而食鹽乃倍粟數民何以堪請於朝詔損二十萬滁人德之宋史本傳

陳祐字純益仙井人徽宗時論章惇蔡京蔡卞郝隨鄧洵武忤旨通判滁州宋史本傳

黃師中建炎閒知全椒縣縣廨燬於兵師中結茅以居清靜為

治閭里盜發推尋其迹輒得之四境肅然南畿志

張處厚知全椒縣復建縣治於市橋西北性廉介不妄取與馭胥吏尤嚴飭南畿志

魏安行樂平人以張浚薦知滁州州罹兵燹壇廟皆毀安行從草中得碑依政和法式立焉招墾土田民賴之南畿志

辛棄疾字幼安歷城人乾道閒知滁州州罹兵燹井邑凋殘棄疾寬征薄賦招流散教民兵議屯田宋史本傳

許巽嘉泰中知滁州境內故有津渡三前守月賦錢巽悉蠲罷仍各造舟以濟南畿志

林嘯知滁州時州賦鹿非其土產嘯上言得免南畿志

黃復字乾叟福建人寶慶二年進士累轉通判滁州金兵圍滁復與州守陳廣中協力拒守廣中主西門復主北門射殺數千

人已而廣中中礮死復攝州事士氣復振城被圍八旬餘救援不至遺子書云父老矣食君之祿繼之以死猶生之年也前後數百戰而歿總制趙葵餉臣吳潛上其事官其子屋廣皆從事

郎福建通志

趙葵字南仲衡山人紹定中知滁州以地當賊衝實兩淮門戶

修城浚隍經武不少暇宋史本傳

元劉琪字德卿泗水人至元閒知滁州創鐘樓建永濟橋增置

大成樂器南畿志

杜居敬開封人泰定初為來安尹廉謹有惠政尤汲汲於興學

校崇教化歲蝗居敬齋沐致禱蝗不入境江南通志

楊樸字文素河南人至正中尹全椒寇入城樸盡殺妻女朝服

坐堂上盜欲降之樸指曰我已盡戕眷屬正欲死官守耳乃連

唾之賊繫樸倒懸樹上而割其肉至盡猶大罵弗絕元史本傳

蔣居仁揚州人至正中尹來安精於吏治民樂其政南畿志

明周鼎鄞縣人洪武八年知滁州始滁隸中書省事皆符下有

不可者封上之已隸鳳陽府守數加苛責毛舉細事以撼鼎鼎

上聞得直滁當孔道簿書填委鼎嚴明綜核治最他州江南通志

吳頴字克懷閩人永樂初授全椒教諭全椒諸生惑形家言築

文筆峯致飛語動上怒頴引罪自縊事乃解諸生王冕等為卜

葬南山之陽江南通志

陳連字廷器東莞人永樂五年知滁州政教兼舉治為江北諸

郡最秩滿滁州人請畱詔以知府階仍知州事南畿志

畱衢正統中知全椒縣有循良之政江南通志

周正字孟端安陸人天順八年知滁州有治績聲望與陳連相

亭何先後通志
卷之四十一
四

趙禮成化閒知來安縣創築土城繕學宮作官廨立市廛修隄防百廢俱興江南通志

曾顯字克達泰和人宏治三年知滁州滁當衝要方貢夫馬繹騷民苦煩費顯議中道池河為定遠西徼設站協之河決徐州田租不入撫按議令滁代輸顯力爭得免江南通志

孫贊正德中知全椒縣修建翼宮堂廡率出俸錢成之視學造士時稱良師江南通志

林文卿正德中全椒教諭時方遷建學宮文卿悉心監督工皆堅緻課諸生鄉射悉如古禮江南通志

陳則清福建人嘉靖中知滁州歲大旱發廩賑貸逾年疫作民病不能行因量地設場為糜食之又請折鳳麥以免輸運之苦

江南通志

王邦瑞字惟賢宜陽人嘉靖中知滁州時徭傳馬驢取具田丁又屯所養馬田地多乾沒邦瑞力請蠲逋欠均科派平馬政減重徵得旨釐覈民困以紓江南通志

趙鏜嘉靖中知全椒縣衛屯恣虐鏜大為懲艾仍請於屯田御史每屯置老人轄之稱良法江南通志

凌約言嘉靖中知全椒縣民苦養馬豪黠詭為邑供丁而以馬役遺下農約言釐弊懲奸酌量盡善邑自是無馬患河南師尙詔反糾集丁壯預為三覆以待寇聞風潛避江南通志

顧問嘉靖中由御史謫知來安往時六合滁陽南北夫馬率有驛路後改經來安遂成孔道民苦供億問悉為禁絕驛因以蘇

江南通志

魏大用嘉靖中知來安前令趙禮築土為城久圯大用悉力經營易以磚甃百姓安堵江南通志

張四術嘉靖中知來安廉謹愛民故事六合夫馬迂道來安四術力請禁之江南通志

丁士奇萬曆閒知滁州建四隅角樓以備守望監司取餒金逾額帑積不支自鬻家棗園償之江南通志

陳允升萬曆中知滁州滁田瘠糧重民不能供每有棄產去者允升履畝清丈計額均賦一境賴焉江南通志

孫森萬曆中知滁州衛弁忌其嚴覈摭訴監司森抗對得白因寘侵帑諸弁於法時郵遞衝疲勘合白牌雜運至森調度有方江南通志

田樾萬曆中知全椒縣立漢劉平祠顏其堂曰仰劉縣治後河江南通志

南北通省行者病涉移諮和守各造浮橋至今利濟江南通志

樊玉衡萬曆中以御史建言謫無為州判遷知全椒敬禮耆碩表章先賢因俗便民除蠹尤力尋膺薦督理漕河抗疏請冊立

太子謫戍雷陽道經滁滁民傾城走送江南通志

劉是萬曆中知全椒崇禮節孝鋤剪豪強江南通志

關驥萬曆中知全椒下車值加派河夫毅然為民請命以去就力爭遂得末減江南通志

管學經萬曆中知全椒縣貌文弱而施政有方摘發奸欺屢獲鄰境大盜江南通志

吳羽文萬曆中知全椒縣煦嫗良善培擊豪強諸所興除皆大利害為人冰槩自持顰笑不假江南通志

錢應元萬曆中來安教諭會令虐士誣揭上官應元不避嫌疑

抗白其冤 江南通志

秦植天啟中知全椒未下車即發諸吏蠹狀人以爲神既至杜

苞苴除耗羨薄稅通商調知懷甯行篋無加於舊 江南通志

程道壽孝感人崇禎中知來安縣解職歸賊陷其城置掌旅守

之而去道壽結壯士殺之賊至被執令爲書招白雲寨大罵遇

害 一統志

孔尙則聖裔崇禎時知全椒時軍興旁午徵調無虛日尙則咄

嗟立辦至里役長催火耗起解等件久滋民累一切釐革 江南通志

國朝甯鳴玉字楚珍順天人順治十四年知滁州時賦多逋欠鳴

玉按籍清釐分限立單令逋者照輸各給完狀後江南州縣多

以奏銷被遣滁獨無恙 江南通志

湯九圍奉天人順治間知來安縣邑故凋敝田畝多鬻於省州

紳士土著存者什裁二三里役大爲民害九圍定爲官收官解

之法積困以蘇 一統志

楊鶴年字清華滿洲人順治十六年以鳳陽府同知署滁篆時

海寇入犯滁密邇會城人心惶擾鶴年密爲守備以靜鎮之譌

言繁興皆置不問直指及備兵使者服其持重有請輒報可士

民賴之 江南通志

鄭邦相字文僑咸甯人康熙六年知滁州治尙簡靜首申功令

令輸賦者自封投櫃革僉報徵糧里甲積困以蘇聽訟委曲開

諭民多感悔威惠並著萑苻亦爲屏息 江南通志

藍學鑑字資宸福建上杭人康熙七年由舉人知全椒縣簡訟

寬裕愛民禮士遇旱蝗則禱於壇賑於郊藥於肆矜恤災黎慮

無不至 江南通志

趙清貞字幹周奉天人康熙十四年知滁州值歲大旱力懇上官題請蠲賑旋得報可全活無算聽訟明敏片言剖決民皆懾服一統志

江天泰江西南豐人由進士知全椒縣廉正聰察幹理優長凡便於民者知無不為御史極嚴決大獄治大奸屹然如山不可動以耿介忤上官意論罷士民奔走如失慈父母焉全椒縣志

王政江蘇吳江舉人考授內閣中書充江西同考官改全椒教諭申學規勤考課為文羽翼經傳不以馳騁為能學者稱定夫先生全椒縣志

王齊英雲南蒙自舉人知全椒以廉靜為治愛民若天性時久旱夜則私禱於內署至泣下旋大雨有秋判事若流水不輕遣一吏至鄉里故胥役多散去以僉解河夫失官遮路歧哭者踵

相接行囊蕭然襍被外惟書數卷而已全椒縣志

秦廷瑩漢軍鑲黃旗人知全椒縣明察善斷人不敢欺有黠盜獲而復逸故為小竊匿鄰獄廷瑩適護鄰篆閱囚一見即曰此某盜也歸之獄乃定其精明類如此全椒縣志

黃文蓮江蘇華亭人任全椒教諭文章經術卓絕一時獎掖諸生多所成就秩滿遷河南知縣全椒縣志

董瑄山東章邱人知全椒廉潔慈明勸農息訟禱雨雨沛蝗不入境刊制義綱日以惠士林尤能振拔單寒童試前列二十名學使者甄錄其十八一時稱為僅事云全椒縣志

李明魁甘肅武威人知全椒縣公勤廉恕倡修學宮優禮寒素先是學使按部長吏供張之費例取給於新進諸生名曰公攤明魁至革除之其為政務持大體如此全椒縣志

呂轍字天衢山西鳳臺人乾隆初任池州府通判時有火災轍治水具捐募夫役以救之辦賑青陽石埭水災摩畫周至署廣德州廣德租稅佃人輸官田主不問故多逋負轍以富者擁貲貧者受笞督非法也力革其弊恭值

高宗南

巡賜貂皮緞疋獎其治芻餉勞績調潁州府通判擒治劫盜窮其黨署壽州讞吳姓被殺獄得殺人者而釋其株連數十人署滁州碩鼠食苗設機盡捕滅之又賑水災一如其在池州時乾隆二十一年監修鳳陽城卒於工次劉大櫨撰墓表以下新修韓夢周字理堂山東濰縣進士乾隆中知來安縣立學校興農桑募其鄉蠶工教民蓄山蠶於柵樗樹上得巨繭以織帛刊布其法增築書院朱子祠堂建清江書院邑多圩田旱澇無備夢周度地疏濬詳記前衛官李之琨議撰圩田圖記以垂永久道

光初祀名宦祠

閣鈔 盱眙王效成伊蒿室文集 來安縣志

楊忻字景山雲南太和舉人嘉慶中任來安知縣廉潔惠愛折獄敏果葺城築倉倡修學宮及魁星閣明倫堂建橋梁數處舊

有雁塘學田為江甯人占入省城育嬰堂忻力請復之

承瀛撰來安重修儒學記 賀彝鼎撰歸復雁塘田記 來安縣志

符鴻湖南益陽人任來安知縣道光三年重修建陽書院甄錄

生童優給膏火振興文教

來安縣志

李士林字藝圃雲南通海進士道光中任滁州知州方嚴清介民不敢欺修城垣置義倉葺豐樂亭在任十餘年以老致仕咸

豐初卒於全椒

滁州志

潘忠娶字炳甫浙江監生咸豐元年以通判署滁州事練團積穀為守禦計二年四月髮逆由揚州北竄忠娶會營督練擊賊

受傷卒蒙

恩卹銀兩世襲雲騎尉

滁州志

廬承祖江西南康舉人道光二十九年任全椒知縣咸豐三年募勇督練防堵髮逆積勞卒於防所

贈同知銜廕子縣丞

全椒縣志

孟煊浙江山陰舉人道光十七年任全椒知縣剛決清廉士民愛戴二十二年調鳳臺咸豐六年檄委幫辦全椒縣事八年城陷督戰北關死之九年

贈知府銜廕子州判同治七年奉准建立專祠

全椒縣志 會國藩奏案

馬步衢直隸通州人咸豐七年任滁州衛守備八年髮逆由全椒犯滁步衢率本幫軍丁迎剿矢盡力竭遇害

滁州志

廖新字琴舟湖北羅田監生同治三年署滁州事當撤防之初

諸務草創良莠雜處新恩威並用休息培養民心大定遷鳳陽同知去滁人送者塞道旋聞新卒皆墮淚云

滁州志

和州

晉謝尚字仁祖陽夏人為建武將軍歷陽太守轉督江夏義陽隨三郡軍事為政清簡始到官郡府以布四十匹為尚造烏布帳尚壞之以為軍士襦袴歷豫州刺史鎮歷陽在任有政績升平初卒於歷陽

晉書本傳

宋劉湛字宏仁南陽人梁郡太守領歷陽為人剛嚴用法奸吏犯贓百錢以上皆殺之自下莫不震肅

宋書本傳

王淮之字元曾臨沂人元嘉二年歷陽太守行州府之任綏懷得理軍民便之

宋書本傳 新增

齊周山圖字季寂義興人泰始五年為龍驤將軍歷陽令領兵

守城討臨海田流平之擊斬豫章賊張鳳齊書本傳 新增

梁張齊字子響馮翊人歷陽太守齊手不知書目不識字而在

郡有清政吏事甚修梁書本傳

隋慕容三藏燕人大業元年授和州刺史三年轉任淮南太守

所在有惠政隋書本傳 新增

唐張無擇慈谿人和州刺史時水潦害農無擇請蠲穀賑之採

訪使李知柔素不快其直諫密奏以附下為名貶蘇州別駕老

幼遮道攀留舊唐書 補注按舊唐書無張無擇傳江南通志

引舊史文如此又歷陽典錄引江南通志無擇字

君選句章人今江南通志無此六字句章唐應稱慈谿

張知謩字匪躬新唐書蒲州河東人新唐書幽州方城人徙家於岐天授後

和州刺史歷十一州所莅有威嚴人不敢犯舊唐書本傳 補注

劉禹錫字夢得彭城人以王叔文黨貶連州累刺數郡太和二

年自和州刺史徵還有和州刺史廳壁記陋室銘和州諸書新唐書本傳

穆甯懷州河內人和州刺史治有狀增戶數倍唐書本傳 新增

南唐王彥儔和州刺史有政績善撫境內和遂為富州南唐書本傳 新增

宋凌冲字子和蘇州人知含山秩滿東裝家人有蓄一砧者冲

視之曰非吾來時物命還之南畿志

范純仁字堯夫吳縣人熙甯中知和州德政著聞嘗謂人曰惟

儉可以助廉惟恕可以成德宋名臣言行錄

劉摯字莘老東光人熙甯中謫監衡州鹽倉後徙知和州有善

政統志

胡宗愈晉陵人熙甯中知和州明敏英毅訟至立決統志

吳居厚豫章人紹聖初知和州創將理院致醫藥病者有歸多

東都事略

所全活又奏減苛征罷無名之稅

和州志

孫長卿字次公揚州人知和州民訴人殺弟長卿察所言無理

問其貲曰上等也家幾人曰唯此弟曰然則汝殺弟也鞫之服

郡人神明之

宋史本傳

宋昌祚為和州鈐轄建炎二年烏珠犯和州圍數日昌祚與禁

軍指揮使鄭立共激士卒晝夜備禦不少怠城破昌祚立與權

倅唐璟歷陽令蹇譽司戶徐煥縣尉邵元通軍士胡廣皆死譙

樓上

宋史本傳

姚興相州人充荆湖南路兵馬副都監隸都統王權麾下金人

渡淮權遣興拒之而退保和州與與金人遇於尉子橋力戰殺

數百人告急不應父子俱死贈容州觀察使立廟賜額旌忠賜

諡忠毅

宋史本傳

韋永壽和州統制紹興三十二年與金射鵬軍戰和州子奉節

郎世堅救之同死贈融州觀察使世堅贈三官

一統志

冷世修字良器通判和州時守尚巖峻世修濟之以寬吏民愛

戴秩滿相率詣臺使乞畱

南畿志

婁機字彥發嘉興人含山主簿治銅城圩八十有四役夫三千

有奇機設廬以處之器用材埴一出於官民樂勸趨二旬告畢

七攝鄰邑皆以治績聞

宋史本傳

杜庶字康侯先為廬州安撫使治績甚多後知和州浚城濠增

守備修學宮

宋史本傳

賀鑄字方回衛州人

宋史本傳

和州通判

和州志

監和州管界巡檢夜

行所部盜不得發

慶湖集

趙師崑嘉定三年為和州觀察使有惠政南畿志

鍾將之字仲山知和州歷陽縣平易近人民懷其德屯田與民

田相錯官軍恃強失和將之常持其平漫塘集新增

印應雷通州靜海人嘉熙二年進士寶祐二年知和州時北兵

侵和應雷之任率兵突入士氣益振卒保其城鄧徽常熟志新增

元疊卜泰字允恭蒲城人泰定中烏江縣監有狄氏子者兄弟

九人分異十餘年爭訟卜泰庭諭之九人感悟復同居又有陶

姓者死而孤弱族人利其產取他姓子給曰此陶養子也卜泰

廉知之按舉其罪歸其產於孤在邑三年民順其化一統志南畿志

馬澤字潤甫任邱人知和州以經術飾吏事禮師儒修庠校均

戶役年歉籌畫賑饑全活甚眾南畿志明李相字彥章甯波人洪武初由京兆尹出知和州建州署築

郭公銅城二壩南畿志

陳琦字士英霍州人洪武中知和州民服其化男女異路囹圄

空虛南畿志

徐原顯黃巖人洪武十四年始立含山縣原顯知縣事經始百

務凡縣治城隍皆其創置一統志

戴泰一福建龍溪人永樂初以隱逸應召知和州以清白稱南畿志

侯潤甯海人正統十一年知和州嚴明廉幹鋤強扶弱民化為

善訟簡盜息明統志南畿志

黃潤玉鄞縣人景泰初知含山縣鑿渠塘築隄堰躬課蓄洩江南通志

劉隆廬陵人天順六年知和州實倉廩平糶糴歲凶民賴以給

奸胥病民必按法懲治不少貫訟至曲直立判南畿志

董錫會稽人天順中和州同知均徭役清軍伍修黌宮興水利南畿志

吳漣南海人成化中知含山樸易廉潔以德化民歲饑作餽粥

餉流移所活萬餘人公餘進邑諸生設帳講易廣輿記

林長繁莆田人宏治中知和州愛民惜財案牘詳審江南通志

顧珀字戴祥晉江人正德四年知和州簡訟輕役發姦摘隱江南通志

孔公才字希文曲阜人正德中知和州渠寇劉六猖獗練兵修

城復鑿重濠賊知有備不敢犯江南通志

祝宏舒四川人正德七年知含山縣崇學校毀淫祠清戶口平

賦役江南通志

賈應春真定人嘉靖七年知和州事至立剖奸胥無所措手江南通志

通志

孟雷澤州人嘉靖十一年知和州辭色不少假而內實坦易僚

佐皆以臺部左遷以雷年少數易侮之雷風節不少挫羣僚心

服江南通志

張叔宣內江人嘉靖二十三年知和州民有訟者輒和顏諭之

每里擇有義行者一人勸民以禮使勿爭訟嘗以菜羹召諸僚

食之廩過客亦不重肉曰不忍剝民以悅人時有陳侍御北上

叔宣裁其夫役陳不能平尋按廬鳳廉叔宣清介更力薦之江南通志

通志

陳冠南昌人由刑部郎謫和州同知均徭除羨課士勸農鰥獨

無告者時出俸錢周之江南通志

鄭曉海鹽人嘉靖中由吏部郎左遷和州同知多惠政性簡淡

居城西峨嵋書院公事之暇著述不輟江南通志

晉朝臣洪洞人隆慶七年知和州清里甲除奸蠹崇獎節義甄

拔寒微江南通志

郭繼芳字履謙富順人萬曆中知和州建巽塔修泮宮江南通志

袁伯鑰豐城人萬曆初知含山田畝戶口詳請立一條鞭法積

弊以清江南通志

黎宏業字孟擴廣東人崇禎時知和州乙亥冬張獻忠圍城將

陷宏業繫印於肘跪請於母李氏母泣諭曰子勿以我為累事

至此有死而已遂自縊妻楊氏妾李氏及四女皆自縊宏業乃

望闕慟哭以硃題壁為官不負民為臣不負君忠孝誠已盡生

死安足論引佩劍自刎未絕復濡頸血書曰為臣死忠為子死

孝大丈夫何惜一死哉賊突入被傷數刃而死事聞贈太僕少

卿廕一子同時州判錢大用同妻妾及長媳死學正康正諫訓

導趙世選吏目景一高皆死之明史本傳 江南通志

國朝徐萃字元伯山東臨清人順治初知和州以簡御煩以惠兼

義公餘讀書課士有風雅之遺民肖像祀之江南通志

任憲伊清湖人順治四年同知和州有惠政遷兩淮運判士民

思之江南通志

朱長泰字謙茹德平人順治閒進士知含山縣嚴正果斷有龍

圖再出之謠鄰民有冤抑上控輒求下含山讞訊獎善黜惡不

遺餘力三年考績以廉敏著稱江南通志

楊繼芳字仲延南和人順治十七年知和州為政敏給簿書叢

錯綽有餘閒在任期年百務釐舉四野謳歌江南通志

夏瑋字禹貢甯遠人康熙九年知和州均賦役省獄訟城垣就

圮捐貲繕築不以擾民復修學宮纂志乘百廢俱舉江南通志

周元宰金州衛人康熙十六年知含山縣徵輸令民自納革里

甲兜收之弊歲饑多方賑恤課民力田不足者給以牛種升江

甯同知去之日士民請留者數千人江南通志

石參字星川奉天人康熙二十八年知含山宅心仁恕下車有

不破一家不傷一士之誓賑卹災黎革除科派省差擾以息民

嚴保甲以清盜卒於官士民立祠祀焉江南通志

何偉字五峯奉天人康熙三十九年知和州臨政勤敏馭吏嚴

明歲災區畫賑卹存活甚眾催科不事鞭扑輸者恐後禮師儒

葺覺舍卒於官州民奉主與石參同祀號二賢祠江南通志

許士貞虞城人康熙四十年任含山縣聽斷如神省徭役興學

校絃誦桑麻時稱樂國歷陽典錄以下新修

管繩萊字孝逸江蘇武進人道光六年任含山知縣善斷疑獄

廉得殺人移尸者置法濬城內市河捐修濱江隄埠立石禁裕

溪口米市陋規決和州人與含山人爭銅城閘堰埠之訟十一

年水災繩萊已病去官猶典衣裘畀民圩搶築江隄去而見思

江蘇武陽合志

管氏家傳

盧光綸字湘舫江甯廩貢任和州學正咸豐初辦理團練加國

子監學正銜升淮安府教授未赴八年髮賊再竄和州督練堵

禦死之和州志

戴立功浙江慈溪人任和州牛屯巡檢咸豐初團防助剿迭次

接仗受傷病卒子未入流渠成於咸豐七年禦賊於駐馬河死

之和州志

林蘭大興縣人前任無為知州咸豐九年署和州因州城未復
畱定遠軍營筦軍火局六月城陷闔門殉難

旌卹如例定遠縣志
翁同書奏案

廣德州

宋范仲淹字希文吳縣人廣德司理參軍日抱獄牘與守爭是非守盛怒不為屈歸必記其往復折辨之語於屏至字無所容改集慶節度推官貧止一馬鬻之徒步而去宋名臣言行錄
宋史本傳
范師道字貫之吳縣人知廣德縣縣有張王廟民歲祠神用牛數千師道禁絕之宋史本傳
錢公輔字君倚武進人治平閒謫為淮州團練使呂誨救之不得逾年起知廣德軍舊學在城北以卑隘徙之東南嘗撰學諭委曲訓誘使人知所崇嚮宋史本傳
南畿志

朱嗣孟樂平人為廣德司戶兼司理叛卒戚方犯廣德嗣孟直

詣賊壘為陳逆順禍福方以忤己殺之事聞贈宣教郎宋史王
儁傳

孫覺高郵人熙甯二年詔知諫院青苗法行覺條奏其妄王安

石大怒劾之出知廣德軍宋史
本傳

王儁權通判廣德軍戚方引兵過廣德入其郭儁不屈與判官

李唐俊司法潘偶權知廣德縣韋績縣丞蔣夔皆死宋史
本傳

洪興祖字慶善丹陽人紹興中知廣德軍視水源為陂塘六百

餘所民無旱憂宋史
本傳

盧彥德字國華麗水人知廣德軍建平縣舊版籍有絕戶物力

錢抑民代輸縑疋民苦之多逃亡彥德至大搜隱漏以實升降

削虛產三千餘戶於是逃者復歸浙江通志
新增

熊彥照淳熙六年知廣德軍歲祲發倉賑給治為江東最南畿
志

耿秉由知廣德軍歲凶發倉粟賑給活饑民萬餘甯宗聞之璽書褒異南畿志

章一璧字君玉浦城人寶慶元年知建平縣振興學校深得治

體南畿志

趙彥誠嘉定中知廣德軍興學校重鄉飲置田以贍生徒立為

善齋以教宗子南畿志

林棐紹定四年知廣德軍奏蠲兩縣逋租一萬五千餘石代輸

積欠十二萬貫公餘輯桐汭新志二十卷南畿志

施德懋會稽人端平閒知建平縣歲凶力行賑貸士以無養多

失業招集教之復學田五百畝贍焉南畿志

黃震字東發慈溪人通判廣德軍初孝宗頒朱子社倉法於天

下廣德之民困於納息人不敢議震曰法出於聖人猶有變通

安有先儒立法不思救其弊耶為別買田六百畝以其租代社

倉息約非凶年不貸而貸者不取息郡有祠山廟江淮之民禱

祈者數十萬牲皆用牛又有自櫻桎梏自拷掠以徼福者悉禁

絕之宋史本傳

常楸字長孺海鹽人監江淮茶鹽所蕪湖局不受商稅贏咸滄

中知廣德軍郡有水災發社倉粟以活饑民官吏難之楸先發

而後請專命之罪置慈幼局立先賢祠故事郡守秋苗例可得

米千石乃以代屬縣償大農綱欠宋史本傳增修

王介字元石金華人知廣德軍韓侂胄隸人蘇師旦忿介不通

謁目為偽黨有勸其自明者介曰我髮已種種豈畏鼠輩耶侂

胄亦懼公議不敢發宋史本傳

王汝翼宋末知廣德縣元兵入境汝翼死之南畿志

元王勉字懋德婺州人大德閒尹建平嚴私謁會大饑疫殫心賑卹復求良醫給藥多所全活後卒於官子孫家焉江南通志

胡定國字瑗孫大德閒典建平學事興復學宮橫經講說以道正人士類頌之江南通志

明陳甯洪武初授廣德知府歲旱百姓告災太祖不許甯赴京奏曰天旱田禾不收若復督征必逃徙之蘇州是為張士誠益民也太祖曰爾大膽敢如此言從之南畿志

張翼字鵬飛合肥人洪武三年知建平縣興舉廢墜規模整飭江南通志

羅坤泰吉水人永樂中知廣德州興學造士祛弊息爭一郡稱平江南通志

魯鐸泌陽人由國子生知建平縣政務寬恤視民事如家事去

後民思之江南通志

李觀字廷賓武昌人正統八年知建平縣建學宮築陂塘創預備倉及壇壝郵舍江南通志

周瑛字梁石莆田人成化閒知廣德州巡行原野察農勤惰更示蠶繅法訓迪士子恆至夜分著廣孝慈錄及祠山雜辨以諭民江南通志

邵蕃字文盛餘姚人成化中知建平縣清介愛民不任威力江南通志

孫紘字文冕鄞縣人宏治閒知廣德州誠信廉能鎮靜不擾江南通志

江暉字景孚仁和人正德中知廣德州出不坐乘食無兼味武宗南幸江以南率苦供億暉措辦得宜一方獲安江南通志

趙崇賢字次山浙江人正德四年知廣德州時方議津貼建平軍需以助養馬崇賢曰馬政派自草場軍需出於田畝縣民食田力而州民為之納稅非制也亟白憲司停止之江南通志

鄒守益字謙之安福人嘉靖初由翰林謫判廣德州創復初書院置學田講良知之學士類翕然從之明史本傳

陳德騷字房甫應城人嘉靖中知建平縣諸羨餘悉充正賦申減牧馬之額裁諸色供億履畝覈丈積弊盡除江南通志

連鑛永平人嘉靖閒知建平縣俗奢好訟鑛嚴宮室踰制之禁導以禮讓明律善斷獄無冤民奸民虞順倡亂設策擒之一統志

趙佑卿字汝伸嘉靖四十五年知建平縣築山陽楊學潘成等圩江南通志

宋鼇湘陰人嘉靖中建平縣丞倭躡郡邑鼇甫至即率民兵往

禦至上海孤軍援絕倭眾猝至遂遇害斂時創鏃滿體士民哀之江南通志

陸長庚字元白平湖人萬歷十一年知廣德州新覺宮置學田課耕濬渠置倉水陽以便軍民江南通志

朱之楫字斯濟通山人萬歷中知建平縣遷學宮墾浮湖廢地開西河增置義倉江南通志

張宗廣德州志作崇信字西銘太原人萬歷中知建平捐潔自持親民禮士與前令朱之楫竝稱循吏今合祀西郭外江南通志

胡子晉德清人萬歷中同知廣德州佐郡六載攝篆者三公明嚴正豪猾斂跡日用蔬茹悉自家載至江南通志

向芻輝慈谿人萬歷三十六年知建平謹權量平物價學宮舊建東門外屢圯於水為出俸錢遷之江南通志

陳良符孝感人崇禎時知廣德州不事苛察民服其化歲旱徒

跌祈禱大雨立沛一時傳為程公雨江南通志

侯佐字弼時解州人崇禎八年知建平奉檄築城期年工竣時

溧陽大盜白晝剽掠佐練習義勇設策擒之江南通志

何宏仁字仲淵山陰人崇禎十一年知建平吏不忍欺歲大旱

步禱赤日中大雨如注飛蝗千里不入縣境廣輿記

趙景和字靈霄錢塘人崇禎時知廣德州馬士英擁兵走浙以

書索餉景和曰吾不能齎盜糧傳集鄉民悉入城避亂士英怒

督兵攻城城陷景和奮臂裂眦數士英誤國害民諸罪遂遇害

廣德州志金印榮武進人崇禎時授廣德州學正持己端嚴誨人不倦時

論比之胡瑗江南通志

國朝崔成名字仁齋安肅人順治初知廣德州時有土寇聚山藪

剽掠成名躬帥兵搗其巢穴擒馘數千人民始安堵查覈糧稅

申免州縣溢額銀四千九十餘兩江南舊志

張正中字文臺河南人順治二年知建平縣招徠逃亡墾藝荒

瘠覈戶口稽疆畝冊籍釐然學宮就圯捐俸修葺士民德之江南舊志

陶爾性字還一咸甯人順治十年知建平縣寬仁愛民而嚴於

馭吏治邑三年有麥秀兩歧之瑞江南舊志

孟希舜字華宇奉天人順治十一年知廣德州外寬內嚴敢於

任事請免州縣地畝溢額銀六千七百餘兩十二年歲旱勘災

申豁秋糧十分之一民賴之江南通志

秦確輝縣人順治十三年知廣德州廉能明允剔弊除奸州民

戴若父母江南舊志

彭長庚字太白奉天人順治閒知建平縣年甫二十姿力英邁

案牘目十行下片言決遣猾吏膽落又虛懷嗜學隆禮師儒舉

卓異第一江南通志

柏肯堂字冰龕臨清人順治戊戌進士知建平縣值歲饑多方

賑濟全活數萬人查覈丁糧造赤歷冊積逋俱清嚴絕逃旋義未

詳字典奸民斂跡江南通志

嚴昌構字孟修仙游舉人知建平縣政簡刑寬嘗捐俸修整學

宮力除積弊福建通志

胡擢力字耐菴湯溪人康熙三十五年知建平縣是年冬苦雨

虔禱即止次年夏大旱禱雨又立應以疾卒官士民悼之江南通志

徐之愈山陰人雍正初知建平縣清廉愛民以捕蝗致疾卒於

塗次廣德州志

曾尚增字南村濟南人由翰林出知廣德州嘗乘怒重撻一人

尚增父不悅長跪請罪自此益慎於刑廣德州志

周作淵河南商城人乾隆四十四年知建平縣捐廉興建郎溪

書院增諸生膏火之費建平地形窪下夏秋閒山水驟發常為

民患作淵於東門外及河之南設法築隄以衛田廬至今賴之

建平縣志

帥家相字卓山乾隆閒知廣德州有某甲遠歸數日忽不知其

所往其家疑其妻殺夫既誣服矣家相持不上踰年某甲歸婦

得釋廣德州志

金鼎壽字鶴皋貴州進士道光五年任歙縣知縣有惠政卓異

赴部回任候升委讞黜縣程宗貲獄平判輕湔兩造感泣七年

任懷遠愛士撫民不尚操切十一年升廣德知州政績卓異士民愛戴祀名宦祠廣德縣志以下新修

鄒祖堂字錫蕃江蘇吳縣人道光二十年官建平縣梅渚巡檢

在任十三年宵小斂跡民間爭毆立為剖決建平有西湖納諸

山水屢橫溢知縣錫麟令祖堂築圩衛田督工不懈水患以弭

民間不解蠶桑祖堂自購桑種令妻飼蠶繅絲民婦傳其法蠶

桑之利遂興著有蠶桑事宜及人生必讀書刊行又補刊前任

知縣貢震建平存稿周作淵郎川公事略建平縣志

何豫綸常州舉人咸豐八年任建平知縣十年粵逆圍城豫綸

同把總張鳴皋督眾守禦城陷均死之建平縣志

高禎順天東安拔貢安徽直隸州知州咸豐十年署廣德知州

粵逆竄犯率勇堵禦十一年督隊襲賊力戰陣亡廣德州志

王成錦江蘇婁縣人咸豐十年署廣德州廣安巡檢駐焦村粵逆竄犯殉難男婦七人皆從死廣德州志

六安州

漢劉順字平仲光武族兄建武八年擊破六安賊因拜為六安

太守帝徵之吏人上書請留十一年卒後漢書本傳

北周柳遐河東解人保定中霍州刺史導人務先以德再三不

用命者乃微加貶抑示恥而已其下感而化之不復為過咸曰

我君仁惠如此其可欺乎北史本傳

宋程端中伊川長子靖康末知六安軍建炎三年北兵至彈力

守禦不克死之吏民葬之於霍山縣之撞山南畿志六安州志

元王大有字廷祐澶淵人至正間知六安州事課農桑興學校

治績稱最江南通志

朱子範知六安州時兵革頻仍民多死徙子範蠲減稅糧作勸

農文諭之

江南通志

明陳明善句容人洪武間知六安州創建州治有惠澤及民山

賊聚眾劫掠州倅往捕遇害明善討平之

江南通志

康琚項城人洪武三年授六安州同知時庶務草創民多弗率

琚躬行德化助守所不逮以循卓擢永平府同知

江南通志

隋贊字從禮山東人洪武初授英山主簿嘗捕獲叛賊潘友文

等以功遷知縣復除虎患遷袁州通判

江南通志

孔善曲阜人洪武間授英山訓導學問博洽敷教有方秩滿諸

生赴闕請畱遷教諭

江南通志

劉鎰羅山人宏治二年知六安州蠲宿負去苛斂產亡而稅存

者悉除之流民復業者甚眾州治屯衛相錯處之以公軍民咸

服

江南通志

李瑄元氏人宏治間知英山疏滯獄抑豪強卹里甲較士高下

而資以膏火

江南通志

王坊字崇賢浙江人初任新淦以忤劉瑾謫廢瑾敗起知霍山

編定賦役品格胥吏不得為奸

江南通志

歐陽德字崇一泰和人嘉靖三年知六安州毀淫祠建書院歲

饑出粟分賑民疫為購善藥濟之

江南通志

邵德久餘姚人嘉靖二十九年知六安州築陂塘以溉田課文

藝以造士鋤奸雪枉

江南通志

胡澤通城人嘉靖中授英山教諭葺齋舍購書籍集諸生肄業

其中句稽學田租稅以有餘惠寒士

江南通志

徐縞豐城人嘉靖間霍山典史海寇突至縞督鄉勇力戰走之

蛟水暴漲民多漂溺縞捐貲瘞葬流離者復出粟賑給存活數百家民祀於東嶽廟左江南通志

李懋檜字克倉安溪人萬曆九年知六安州州丁役舊有上中下三等有家已消落而仍納上戶者檜定為一則民賴以蘇設社倉令民輸所餘粟擇里中富而有行誼者主之視豐歉為收放又置義田二區積歲入以贍貧者江南通志

王榆字歷峯羅田人萬曆閒知六安州每朔望向神誓曰愛民不及愛子殃及我子治郡不及治家殃及我家江南通志

向文謨湖廣人萬曆閒知英山以邑小政簡請裁主簿省冗費又請改折鳳倉米麥江南通志

黃守經字伯通南城人萬曆三十八年知霍山執法不畏強禦學宮移河北非善地急白當道遷復故址出俸錢為諸生倡三

閱月而工竣江南通志

李聯芳北直人崇禎時知六安州聞寇起陝西即修城浚隍如寇將至役者迂之及去後二年寇薄城下州人據城固守始服其遠慮江南通志

高在崙崇禎時知霍山縣流寇來攻在崙悉力捍禦城陷死之江南通志

龔元祥長洲人崇禎時任霍山教諭與訓導姚允恭皆端嚴有師範寇至城陷姚適他往元祥冠服坐明倫堂賊環刃脅拜不

屈死子年十六枕父屍慟哭亦被害越三日姚歸大慟曰吾死晚矣適賊又至乃憤激大罵至死不絕口姚盱眙縣人江南通志

國朝史良植河南人年十八登進士第授英山知縣吏治精敏雖老成練達無以過之詳詢民瘼剔除宿弊順治六年楚賊侵英

良植單騎詣府乞師歸至石觜城賊眾突至被執不屈遂遇害

江南舊志

李浴日字滄所掖縣人順治初知六安州時兵燹之後民生未

通志

遂浴日多方撫字政簡刑清一方賴之

劉克孔字扶字奉天人順治中知六安州當兵燹之後糧册散失徭役不均胥吏緣以為奸克孔按戶清查盡祛蠹弊士民戴德焉

江南通志

門毓英瀋陽人順治五年知霍山縣時土寇作亂肘腋皆其黨與毓英悉力捍禦憲請援身先士卒轉戰深入渠魁授首霍

城獲全

江南通志

朱衣浙江人署六安州事十九日斷結積案三百餘事

六安州志

賴允元字澹菴永安人康熙閒知霍山自署堂柱云莫言天道

難窺酷吏子孫專報應勿謂民心無識貪夫姓字不遺忘

六安州志

鮑梓字艘亭南宮人雍正閒知霍山值秋雨大作山中萬蛟齊發梓已奉諱卸印縷經向水繞城號哭雇船接救附郭居民俱得存活

六安州志

高淑曾山東沂水進士雍正閒官蒙城知縣六安知州蒙城六安人皆稱其強直有為

姚鼐文集新増

甘山字岱登奉新人乾隆閒知霍山向例縣署薪炭食物給值不及十之五曰官價山至悉除之

六安州志

徐日紀字松圃桐廬人乾隆閒知英山創為興賢會以資鄉試

諸生英山縣志

德海滿洲人六安營參將敝衣蔬食日與兵弁講求臨陣克敵之法勉以忠君親上孳孳不倦嘉慶初教匪蔓延海巖為防守

營伍肅然六安州志

趙宗良貴州平越人知英山十年政簡刑清愛民育士創凌雲義學置義田清漏澤園修舉廢墜善政最多英山縣志

吳學山江西高安人乾隆十一年任霍山壬申四月楚匪馬朝柱作亂蘄州首發其事斬霍接壤民駭甚學山以輕騎入山眾恃無恐捕餘黨株連數千人搜及霍學山廉知其枉請於長吏得釋霍山縣志

張掄甲山東金鄉人乾隆十七年攝霍山篆新學宮立書院發城北石隄建康濟橋至今蒙其利霍山縣志

朱士達字恕齋江蘇寶應進士道光初署霍山知縣釐弊政培人材創奎文書院升壽州去邑人設長生位於書院累官湖北布政使霍山縣志

謝葵字惕夫湖北黃岡舉人道光十八年任霍山知縣博學多聞勤於課士修學宮葺城垣政教多洽民心時稱能吏霍山縣志

吳鳴鏞字雲士江蘇吳江舉人六安訓導課士有方績葺州志於節孝尤詳慎資助寒畯宦況蕭然卒官州人為立教思碑六安州志

胡嘉霖字子吉江甯舉人咸豐元年任霍山知縣黠民以路斃乞句波累地主嘉霖傲江甯生生堂章程由堂驗報髮逆竄楚黃偏英霍嘉霖練鄉勇嚴保甲境內乂安以憂去起任天長禱雨卒次日大雨霍山縣志

蘇秀槐廣西貴縣舉人咸豐四年任英山知縣迭次督團從何桂珍堵剿髮逆皆有功五年冬豫勇叛秀槐與何桂珍及前署舒城知縣婁業士均死之英山縣志

舒城知縣婁業士均死之英山縣志

金寶樹字吟薌江蘇元和進士湖北知縣起復揀發安徽知州
咸豐三年署和州團練堵剿兩載有餘六年署六安州知州以
擒斬擒首王守沅功升同知直隸州七年春擒逆自鳳臺髮逆
自桐城竄至城陷寶樹約六安營參將喜瀛及練首管韞輝等
集眾萬餘計圖規復戰於西範店及城北十五里墩我軍敗績
練勇死者千餘人寶樹喜瀛六安州同黃河清六安營守備趙
霖新選懷甯長楓巡檢駱秉彥候選巡檢茅愴均死之俱蒙

賜卹贈廕如例福濟奏案六安州志

鄧元鎬任霍山縣知縣咸豐九年從巡撫翁同書守定遠城陷
陣亡

旌卹如例翁同書奏案定遠縣志

泗州

漢孔安國字子國武之弟魯申公弟子為臨淮太守其治官民

皆有廉節稱漢書申公傳

路溫舒字長君鉅鹿人宣帝即位上尚德緩刑書帝嘉納累官

臨淮太守治有異績漢書本傳

薛宣字贛君剡人以御史中丞出守臨淮政化大行漢書本傳

侯霸字君房河南密人王莽時霸官淮平大尹更始元年徵霸

百姓號哭遮道乞留且戒乳婦勿舉子曰侯君去必不能全使

者慮霸就徵臨淮必亂不敢授璽具以狀聞後漢書本傳

朱暉字文季南陽宛人永平中為臨淮太守所拔用皆勵行士

其諸報怨以義犯率得生濟其不義之囚即時僵仆吏民畏愛

為之謠曰強直自遂南陽朱季吏畏其威民懷其惠後漢書本傳

孟嘗字伯周上虞人舉茂才令徐縣州郡表其能尚書楊喬稱

其清行出俗能幹絕羣後漢書本傳

謝熙山陰人令徐縣明達有吏才後漢紀

魏陳登除東陽長養耆育孤視民如傷三國志張邈傳注

宋沈璞字道真武康人爲盱眙太守修城浚隍聚財石積鹽米

爲不可勝之算魏拓跋燾自率步騎數十萬攻城璞隨宜應拒

殄其大半燾乃遁走宋書沈約自序增修

唐蘇晉藍田人爲泗州刺史以仁恕爲政吏民信服舊唐書蘇珣傳

張伾以功遷泗州刺史值水患悉力捍禦卒完一城舊唐書忠義傳泗州志同按本傳以功遷泗州刺史居州十年擢右金吾衛大將軍未拜卒無值水患三句

崔琪博陵人有威重精吏治以拔萃異等累擢至泗州刺史得

士心唐書本傳

杜愔萬年人咸通中爲泗州刺史龐勛反圍城處士辛讜勸出

家屬獨以身守愔曰吾出百口求生眾心搖矣不如與將士死

生共之眾聞皆泣下賊將李圓傳城戰愔殺數百人未幾焚淮

口晝夜戰不息來援軍盡爲圓所敗賊乃以鐵鎖絕淮流梯衝

乘城糧盡爲薄餽以給勛遣圓入城約降愔怒殺之勛屢攻不

得志遂解去圍凡十月愔拊循士皆殊死奮而辛讜冒圍出入

糾輯援師卒完一州時稱爲難唐書杜佑增修

五代江夢孫潯陽人楊吳時爲天長吏縣署有怪厲不可居夢

孫焚香曰受命爲吏治事於此吾行不欺暗室奚畏君等怪遂

絕爲諸生釋經至疑處輒斂衽曰此科先儒猶多異同安敢輕

議諸君自擇所長可也葬之日遠方至者千餘人服衰者百許

一統志

宋段思恭澤州人開寶中代馬繼業知泗州下車矯其失綏撫

夷落訪求民病悉條奏免之後歷知壽州宿州竝著勞績宋史本傳

朱昂字舉之衡山人太宗時知泗州嘗聚淮水流屍三千為冢

瘞之有成卒謀亂昂誅其首惡支黨悉貫之宋史本傳

劉仁諫永春人淳化中為泗州刺史有清節官散俸薄雖藜藿

不充未嘗妄干人志一統

歐陽載字則之廬陵人知泗州有浮屠誘民男女投淮水死載

盡捕其徒詰其奸民誅數人遣還鄉里者數百人遂毀其寺歐陽

修工部郎中歐陽公墓志銘

歐陽觀廬陵人為泗州判官夜治官書嘗屢廢而歎妻問之曰

此死獄也我求其生而不得爾歐陽修瀧岡阡表

趙抃字閱道西安人通判泗州濠守給廩賜不如法士卒欲變

守閉門不出轉運使檄抃攝治之抃至從容如平時州以無事

宋史本傳

傅楫字元通仙游人揚州司戶參軍攝天長令發摘隱伏姦猾

屏跡宋史本傳

張夏知泗州值大水築隄禦之景祐初後守因其舊而加廣焉

歐陽修先春亭集

陶令靖康閒知盱眙縣徽宗南幸以南山有十景詔所在清蹕

令辭以非旬日可辦帝嘉其直而止南畿志

張述字紹明遂州人知泗州有政績宋史本傳

賈公望字表之韓城人欽宗時知泗州靖康二年運使翁彥國

勤王至泗州逗畱不進公望責以大義始行及張邦昌偽命至

率官屬哭天慶觀聖祖殿焚其赦書南畿志

孫暉為泗州招信縣尉建炎三年金人陷泗州由招信將渡淮

暉將射士民兵禦之沈其數舟會大霧蔽日金人以疑兵縻暉
自上流渡兵城破死於敕書樓宋史本傳

吳說紹興中知盱眙軍奏乞禁止採賊高宗謂貧民以此為生
乃詔官司不得採賊而民間從便明統志

夏俊紹興中盱眙縣尉金人入寇克泗州俊與士人胡昉部八
十四人夜攻泗城金守遁俊入城撫勞詔俊就知泗州明統志

傅球宋史字命之考城人通判泗州淮水溢毀城朝廷遣中使
護築絕淮取土道遠度用卒六萬球相汴隄旁有高阜夷之得
土以漕運回舟載之省工費殆半宋史本傳南畿志

田智潤理宗時為泗州先鋒軍統制潮河壩之戰父子俱死於
兵詔贈智潤修武郎子承節郎立廟泗州賜額旌忠宋史本傳

元李景道字克中太谷人為盱眙尹天曆元年遷建縣治斬荆

棘鑿山趾費鉅而民不擾江南通志

郝偁字子榮河閒人至元閒為天長尹擇民間童子可教者立
塾置師絃誦相望又新廟學籍豪民隱蔽田七頃有奇入其租
為師生廩祿時人頌之江南通志

明林庭蘭字建秀福建人洪武三年知盱眙縣潔己撫民以循
良稱江南通志

方素易樂平人洪武中知盱眙縣廉方勇敢無所畏避吏民戴
之太祖賜璽書勞以上尊丁母憂民伏闕乞畱任從之江南通志

鄭仁憲字平之會稽人成化閒知天長縣興學校繕館舍修壇
墀立坊市凡政教之大者次第畢舉江南通志

藍馥浮梁人成化十八年知五河縣創集場建義倉江南通志

葛浩上虞人宏治十年知五河縣歲旱徒步禱雨往還數十里

躬親捕蝗卒不為災民築捕蝗臺於芟憩之所今尚存江南通志

許弼宏治閒知泗州在任六年積穀至二萬石年饑百姓多賴

以濟江南通志

汪應軫字子宿山陰人由庶常出知泗州武宗南巡江彬方用事橫索供億應軫以一身當之民得無擾嘗遣人至浙西市小

桑數萬株課民樹藝尋擢給事中去之日艤舟龜山見家人載

石砧急命投於淮水至都猶上疏乞免泗州運糧養馬諸累明史

本傳 江

潘槐宣化人嘉靖中知五河縣博聞強幹大著賢聲江南通志

林希元嘉靖中以大理評事謫判泗州歲大饑人相食青陽滄

湖嘯聚數百人希元躬往慰諭解散其黨且請貸其罪而賑卹

之境內以安江南通志

邵時敏字伯來餘姚人嘉靖閒知天長築馬埧數百丈建二

石橋以便民民呼其隄曰邵公隄橋曰邵公橋江南通志

楊子龍鄞縣人嘉靖中知天長縣首議經費里甲繼請撤還驛

傳及革護城河糶糴之稅至修學宮東西月池排纂縣志皆關

為政大體江南通志

楊化隆慶中知泗州城內外石隄皆所創築江南通志

陳永直由通判遷知泗州增築東南護城石隄請豁高家堰築

隄夫役五百名免徵草料銀數百兩江南通志

浦朝柱定州人萬曆十五年知泗州事歲凶穀價騰涌出俸金

遠糶米麥平糶與民又以餘米作粥全活無算州屢被水患請

於河憲疏濬清河口門限沙民賴之江南通志

潘士紳江西人萬曆中知五河縣一切羨耗贖銀盡為捐革訟

至卽理案無留牘時他邑民有控於直指者將下某府其人不得改下某州又不欲叩頭曰願下五河其見信鄰封如此

江南通志

沈嘉賓萬全衛人萬曆中知五河縣寡言笑慎取予人號爲鐵面公至接待士民和煦如春風拂人

江南通志

方堪新城人萬曆中知五河時澮沱二水橫流爲患堪築壩數十丈南橋圯復治之今名方公橋

江南通志

伍惟善安福舉人知五河縣歲苦澇惟善繪圖力請且自爲疏上之得賑濟免徵民賴全活者甚眾

江西通志 新增

王寅錢塘人崇禎中由龍江都司調泗州護祖陵賊來犯卷甲疾趨斬其先鋒一人戰自午迄申賊來益眾與守備陳正亨等

陷陣死

一統志

汪文燦字燮輔宜良人崇禎十六年由新野令遷泗州知州時

高傑兵駐州大肆焚掠文燦面乞總兵李朝雲朝雲佯諾仍不戢文燦握衣躍入城河漁舟救之得蘇李乃約束士卒泗民以

安

江南通志

蔣佳徵灌陽人崇禎閒知盱眙縣流寇破城不屈死事聞贈尚寶卿廕一子

江南通志

羅萬象字光大南昌人崇禎時知天長縣賦額外分毫無所溢減省吏胥裁足供事發摘奸隱豪黠懼伏

江南通志

胡淵永年人崇禎中爲盱眙縣主簿十五年賊再至士民悉遷或言君非正官盍避之淵正色曰吾亦守土吏可偷生耶力戰被執奮罵而死

一統志

章世純字大力臨川人懷宗時署天長教諭學通經史旁涉諸子百家督課士子經濟實用

江南通志

國朝王師保四川人順治初知五河縣歲荒乏米漕餉莫辦詳請

以麥代米一邑便之江南舊志

李毓秀字應詔沔池人順治二年知天長縣時屢經兵燹民多

流亡毓秀加意招徠勸課耕稼貧者給以牛種聽訟明決境無

冤民一統志

王辛字菩山直隸人順治七年進士知天長縣莅官九載大著

政績值海寇陷城抱印自經死奉

旨贈按察司副使廕一子一統志 江南舊志

傅應薦奉天人順治十二年知泗州時年甫逾冠曉練吏治尤

持重敦大體己亥夏淮漲灌城譌傳北隄已潰左右趨登舟應

薦叱曰吾他適如民何乃於隄前拜水疾呼聞者感泣禱畢水

勢驟減城得不沒一統志

范三俊太谷人順治十八年知泗州深沈練達事至即決創設

赤歷一書丁糧綱目燦若列眉迄今循其成法江南通志

江映鯤字南溟閬中人康熙元年知天長邑苦里甲當差值年

動至破產映鯤痛為革除民困以蘇又里甲分糧黠者糧多而

戶皆殷實懦者糧少而戶更凋瘠映鯤每里均以二十二石自

是里役無苑枯之異給便民自納單載糧數若干每月完銀若

干完即注單里書收頭不得因緣為奸民甚便之一統志 江南通志

袁象乾良鄉人康熙五年知泗州州數被水災田沒而糧額不

減民不能支象乾下車即請上憲題蠲本州水沈拋荒田糧萬

五百有奇州人永賴一統志 江南通志

朱宏胙字徽蔭濟南人康熙七年知盱眙革除雜派定徵輸畫

一之法盱俗好訟輕生為揭律通衢訟以衰止歲旱即請蠲賑

又措銀買米分給饑民鄰封就食者盈萬時螭生徧野倏有羣蝗過之螭皆附翼飛去歲以大豐舉卓異第一

一統志 江南通志

孫丹字玉史福建浦城拔貢授天長知縣民有訟者不遺隸攝但限期令至立與剖晰以事往鄉村聽民赴訴決判如流先是

城中盜賊縱橫捕為盜主者掠治之皆吐實乃下令熱里先捕者賞容隱者坐扳誣者釋由是盜賊屏跡建忠孝書院以課士

福建通志 新增

在官數載清節茂著以疾歸士民為立愛思碑

郭起元閩縣人調盱眙攝泗州知州淮河泛濫居民蕩析起元相度地勢周知要害創置盱眙城延紳纂縣志遷宿虹同知修隄力除積弊築工堅固大汛無決

福建通志 新增

李允升陝西西安人乾隆二十二年任泗州知州時淮水奔溢虹泗當其下游允升築隄濬渠由渭橋而南至城西北之黃犁

溝數十里悉成沃壤

泗州志

林夢鯉山東掖縣人乾隆三十二年知天長縣行勸農之法親歷畝畝獎罰其勤惰暇時於四門九鎮種樹數萬株至今戒勿

翦伐人比甘棠之遺愛焉

天長縣志

曹九成山西遼州人乾隆四十六年任五河精明慈惠案無畱牘尤盡心荒政多方綏輯年雖凶不饑去之日人思其德祀名宦祠

五河縣志

張佩芳字蓀圃山西平定州進士乾隆中任歙縣知縣新學宮

興水利修慶豐塌黜淫祀除橫山妖石慎獄勤學增惠濟倉惠濟堂初課士斗山亭繼創問政書院延劉大槐教士有加調合肥升壽州知州建裕備倉八十間延梁蠟主講循理書院士風

大振擢泗州直隸知州賑水旱請放本色乞罷南門關稅開天

然開著有希音堂集陸宣公文集注劉大櫨問政書院記 張穆身齋文集 壽州志

增新

劉珊字介純漢川人道光元年知泗州泗多水患居民苦之前收請濬濉河冀水有所容凡假帑至七萬三千有奇每年攤入地丁銀徵納號為河帑泗民未享濬河之利已受帶帑之累珊甫莅任即申請豁免以紓民力總督孫玉庭奏請得

俞允州民感之旋擢潁州守卒於官泗州志 以上舊志

德溥字時泉漢軍正黃旗人任五河知縣道光辛卯六災捐廉撫卹詳辦賑濟實惠及民革藉尸訛詐之風除胥役需索之弊訪獲盜首數十人置諸法去官民懷思之五河縣志 以下新修陸豫字樹齋江蘇寶山拔貢咸豐四年任蕪湖知縣調署天長時髮逆逼近豫為民捍禦勞瘁卒官接任者為上元胡嘉霖字

子吉招集民勇設卡局日夜盤詰屢獲賊誅著有保甲團練規條士民遵行賴以安堵大旱祈雨深自咎責遘疾而卒天長縣志厲自芳字蘭友浙江義烏舉人咸豐六年任盱眙知縣捐廉課士發粟救荒偕都司博勒興阿等討平棚匪以憂去官盱眙人立去思碑盱眙縣志許垣江蘇上元監生成豐七年署盱眙知縣九年髮賊撲盱眙城陷死之奉

旨贈道銜建立專祠世襲雲騎尉盱眙縣志 兵事司册

周來豫江西南豐監生署盱眙縣典史會饑民滋事來豫請募勇平之並勸捐賑濟民心復定髮賊撲盱眙隨知縣許垣城守及陷督勇力戰死之奉

旨贈鑾儀衛經歷銜附祀許垣專祠世襲雲騎尉盱眙縣志 兵事司册

李承頴字勿齋順天宛平舉人署泗州知州咸豐八年擒匪擾境固守州城民賴以安九年櫻城堅拒擒首竝出奇兵勝之積勞卒官民設木主祀之虹鄉志
狄融字伯華江蘇溧陽舉人署五河知縣撫字催科政績為最受代去咸豐八年縣被擒患巡撫福濟擇素愜輿情者復以融署五河勸辦團練擊走張滄李允九月張龔各擒數萬趨五河率練迎擊死之

恩卹如例五河縣志

趙季輔字星齋河南鎮平人咸豐九年署泗州知州浚池修城滅火耗巨盜李攀桂陰通宿靈睢桃諸匪季輔親往討計竝其弟五雲殺之請增兵集練進剿賊驚走追殺幾盡虹鄉志
鄭沅字養泉大興舉人任靈璧知縣有政績深洽民心咸豐十

年署泗州知州擒賊兩次撲城均率練擊退十一午在城東朱山剿擒陣亡經袁甲三奏於咸豐十一年奉

旨優卹

贈太僕寺卿銜建立專祠世襲雲騎尉泗州志
虹鄉志

李金庚字實夫福建閩縣舉人同治初任盱眙知縣交擒亂後流民稍復撫綏勸化不尚煩苛飛蝗過境不為災三載去官民持香泣畱擢和州知州卒盱眙縣志

